



BANCI EKONOMI 2023 – STATISTIK PEKERJA DAN GAJI & UPAH


B/23
BANCI EKONOMI 2023
DATA PEMANGKIN EKONOMI NEGARA

STATISTIK PEKERJA DAN GAJI & UPAH



BILANGAN PEKERJA ('000)

Seramai **10,004.3** ribu pekerja direkodkan pada tahun 2022, meningkat secara purata **1.8 peratus** setahun antara 2015 hingga 2022.




JUMLAH GAJI & UPAH (RM juta)




Sebanyak **RM354,935** juta gaji & upah dibayar pada tahun 2022 berbanding **RM245,830** juta pada tahun 2015.

JANTINA


Bilangan Pekerja ('000)




AKTIVITI EKONOMI




KEWARGANEGARAAN



KEMAHIRAN




NEGERI



Nota:
*Termasuk Wilayah Persekutuan Kuala Lumpur, Labuan dan Putrajaya
** Merangkumi aktiviti pengeluaran yang melangkaui pusat kepentingan ekonomi utama bagi mana-mana negeri

PENDIDIKAN




Bilangan Pekerja ('000) | Gaji & Upah (RM juta) | Kadar Perubahan Tahunan Dikompoun (CAGR, %) | Purata Gaji & Upah Bulanan 2022 (RM) | Peratus Sumbangan






PURATA GAJI & UPAH BULANAN

Purata gaji & upah bulanan pada tahun 2022 adalah **RM3,332**, meningkat **3.7 peratus** CAGR berbanding tahun 2015.



OUTPUT PER PEKERJA




Pada tahun 2022, output per pekerja mencatatkan peningkatan pada kadar perubahan tahunan sebanyak **4.6 peratus** (RM385,015 per pekerja).

KOS BURUH



Pada tahun 2022, kos buruh berjumlah **RM471,755 juta**, dengan **kos buruh langsung** merangkumi sebahagian besar daripada keseluruhan kos buruh (**RM402,769 juta; 85.4%**), manakala **kos buruh tidak langsung** mencatatkan **RM68,986 juta (14.6%)**.

KOS BURUH MENGIKUT AKTIVITI EKONOMI




Nota:

Kos Buruh Langsung merangkumi Gaji & upah dibayar, Bayaran pampasan, persaraan / pemberhentian kepada pekerja, Bayaran berbentuk manfaat kepada pekerja bergaji, Bayaran kepada pengarah tidak bekerja kerana kehadiran mereka dalam mesyuarat Lembaga Pengarah dan Perbelanjaan pembayaran berasaskan saham kepada pekerja.

Kos Buruh Tidak Langsung merangkumi Caruman majikan, Nilai pakaian percuma yang disediakan, Kos latihan kepada pekerja, Kos pengangkutan pekerja (pergi dan balik dari tempat kerja), Bayaran levi pekerja dan Kos pekerja lain.

PERUSAHAAN MIKRO, KECIL DAN SEDERHANA (PMKS)



Bilangan Pekerja ('000) | Gaji & Upah (RM juta) | Kadar Perubahan Tahunan Dikompoun (CAGR, %) | Purata Gaji & Upah Bulanan 2022 (RM) | Peratus Sumbangan



Firma di Malaysia Mengambil 10 Juta Pekerja pada 2022, Kos Buruh Mencecah RM471.8 Bilion - Banci Ekonomi 2023

- Pertubuhan perniagaan di Malaysia telah mengambil sejumlah 10 juta pekerja pada 2022 menurut Statistik Pekerja dan Gaji & Upah terkini yang dikeluarkan oleh Jabatan Perangkaan Malaysia (DOSM) menerusi Banci Ekonomi 2023. Angka ini menandakan purata peningkatan tahunan 1.8 peratus daripada 8.9 juta orang yang dicatatkan dalam Banci Ekonomi terdahulu bagi tahun rujukan 2015.
- Analisis mengikut aktiviti ekonomi menunjukkan sektor Perkhidmatan terus mendominasi guna tenaga pada 2022, melibatkan 5.8 juta orang atau 58.3 peratus daripada keseluruhan pekerja, diikuti sektor Pembuatan dengan 2.3 juta orang. Kedua-dua sektor mencatat pertumbuhan tahunan positif dalam guna tenaga berbanding tahun 2015. Sebaliknya, sektor Pembinaan, Pertanian serta Perlombongan & Pengkuarian mencatatkan penurunan bilangan pekerja pada 2022.
- Perubahan bilangan pekerja pada 2022 mencerminkan anjakan landskap pasaran buruh negara, khususnya selepas tempoh pandemik COVID-19.
- Sementara itu, jumlah kos buruh yang merangkumi semua perbelanjaan majikan bagi penggajian pekerja adalah sebanyak RM471.8 bilion pada tahun 2022. Kos buruh langsung seperti gaji dan upah, bonus serta imbuhan lain merupakan bahagian terbesar, iaitu 85.4 peratus daripada keseluruhan kos buruh atau bersamaan RM402.8 bilion. Manakala kos buruh tidak langsung seperti latihan, caruman sosial majikan, levi pekerja dan lain-lain berjumlah RM69.0 bilion. Mengikut aktiviti ekonomi, sektor Perkhidmatan dan Pembuatan menyumbang bahagian terbesar kepada jumlah kos buruh, iaitu sebanyak RM407.5 bilion atau 86.4 peratus daripada keseluruhan. Ini diikuti oleh sektor Pembinaan, Pertanian dan Perlombongan & pengkuarian, yang merekodkan masing-masing sebanyak RM43.4 bilion, RM11.3 bilion dan RM9.7 bilion. Kos buruh tahunan per pekerja direkodkan pada RM47,155. Meskipun sektor Perlombongan & pengkuarian mencatat jumlah kos buruh keseluruhan terendah, sektor ini merekodkan kos buruh tahunan per pekerja tertinggi iaitu RM145,739. Antara semua sektor, sektor Pertanian mencatatkan kos buruh per pekerja paling rendah, iaitu RM21,718.



Firma di Malaysia Mengambil 10 Juta Pekerja pada 2022, Kos Buruh Mencecah RM471.8 Bilion - Banci Ekonomi 2023

- Seiring dengan pertumbuhan bilangan pekerja, jumlah gaji & upah dibayar yang merupakan komponen terbesar dalam kos buruh, mencatat pertumbuhan tahunan yang kukuh sebanyak 5.4 peratus, meningkat daripada RM245.8 bilion pada 2015 kepada RM354.9 bilion pada 2022. Demikian, purata gaji & upah bulanan pekerja pada 2022 adalah sebanyak RM3,332, mencerminkan kadar pertumbuhan tahunan sebanyak 3.7 peratus berbanding RM2,590 pada tahun 2015. Semua sektor mencatat peningkatan pada 2022 kecuali sektor Perlombongan & pengkuarian yang merekodkan jumlah sebanyak RM7.4 bilion dengan kadar pertumbuhan tahunan -0.9 peratus. Walaupun mencatatkan pertumbuhan negative dalam jumlah gaji & upah dibayar, pekerja dalam sektor Perlombongan & pengkuarian memperoleh purata gaji bulanan tertinggi iaitu RM9,422 sebulan pada 2022. Sementara itu, pekerja dalam sektor Pembuatan, Perkhidmatan dan Pembinaan masing-masing memperoleh RM3,513, RM3,493 dan RM2,536 sebulan. Pekerja dalam sektor Pertanian mencatatkan purata gaji & upah bulanan paling rendah iaitu RM1,827.
- Melihat kepada kategori pekerja dan kemahiran, pekerja bergaji sepenuh masa membentuk komposisi terbesar guna tenaga pada 2022, iaitu seramai 8.6 juta orang atau 86.1 peratus daripada jumlah guna tenaga. Perincian mengikut kemahiran, pekerja separuh mahir merupakan segmen terbesar pekerja, meliputi 59.8 peratus daripada jumlah pekerja bergaji sepenuh masa atau bersamaan 5.2 juta orang. Sementara itu, pekerja mahir dan pekerja berkemahiran rendah masing-masing merangkumi 22.3 peratus dan 17.9 peratus daripada jumlah pekerja bergaji sepenuh masa. Jurang purata gaji & upah bulanan antara kemahiran masih ketara, mencerminkan kewujudan struktur premium kemahiran dalam pasaran buruh negara. Pekerja mahir menerima purata gaji bulanan tertinggi sebanyak RM6,967 pada 2022, mencerminkan kadar pertumbuhan tahunan 1.5 peratus berbanding RM6,277 pada 2015. Manakala, secara purata, pekerja separuh mahir dan pekerja berkemahiran rendah masing-masing menerima sebanyak RM2,548 dan RM1,798 sebulan.



Firma di Malaysia Mengambil 10 Juta Pekerja pada 2022, Kos Buruh Mencecah RM471.8 Bilion - Banci Ekonomi 2023

- Dari segi komposisi bilangan pekerja mengikut negeri pada tahun 2022, Selangor mencatat bilangan pekerja tertinggi iaitu seramai 2.7 juta orang atau 26.8 peratus. Ini diikuti oleh Wilayah Persekutuan dengan 1.7 juta orang (sumbangan: 16.6%) dan Johor sebanyak 1.3 juta orang (sumbangan: 12.6%). Majoriti pekerja di Selangor dan Wilayah Persekutuan adalah dalam sektor Perkhidmatan, manakala pekerja di Johor tertumpu dalam sektor Perkhidmatan dan Pembuatan. Sebaliknya, Perlis mencatat peratusan terendah iaitu 0.4 peratus dengan 40.2 ribu pekerja pada tahun 2022. Bagi tempoh antara 2015 hingga 2022, Pulau Pinang merekodkan kadar pertumbuhan tahunan guna tenaga paling pantas, iaitu meningkat sebanyak 3.5 peratus setahun kepada 819.3 ribu orang pada 2022 (2015: 641.9 ribu orang). Peningkatan ini didorong terutamanya oleh sektor Pembuatan. Dari segi jumlah gaji & upah dibayar, Selangor mencatat jumlah tertinggi pada tahun 2022 iaitu sebanyak RM106.0 bilion, diikuti oleh Wilayah Persekutuan dengan RM78.4 bilion dan Johor dengan RM39.3 bilion. Ketiga-tiga negeri ini secara keseluruhan menyumbang sebanyak 62.6 peratus daripada jumlah keseluruhan gaji & upah di peringkat negara.
- Jumlah pekerja yang terlibat dalam Perusahaan Mikro, Kecil dan Sederhana (PMKS) mencecah 6.5 juta orang, iaitu bersamaan 65.2 peratus daripada keseluruhan guna tenaga. Sebaliknya, perusahaan besar mempunyai seramai 3.5 juta orang, atau bersamaan dengan 34.8 peratus daripada jumlah keseluruhan. Jurang gaji & upah antara PMKS dan perusahaan besar di Malaysia kekal ketara, mencerminkan perkadaran positif antara imbuhan pekerja dengan saiz dan produktiviti pertubuhan. Pada tahun 2022, pekerja di perusahaan besar memperoleh secara purata gaji dan upah 47.5 peratus lebih tinggi berbanding pekerja di PMKS. Purata gaji dan upah bulanan bagi pekerja di perusahaan besar ialah RM4,145 berbanding RM2,810 di PMKS.
- Perincian pekerja mengikut kelayakan pendidikan menunjukkan bahawa pekerja yang memiliki SPM/SPM(V) atau setaraf membentuk kumpulan terbesar pekerja, iaitu sebanyak 46.2 peratus atau bersamaan 4.6 juta orang pada tahun 2022. Pekerja dengan kelayakan akademik ini paling ketara dalam sektor Pertanian, di mana 81.0 peratus daripada keseluruhan pekerja memiliki SPM/SPM(V) atau setaraf. Sementara itu, sebanyak 31.3 peratus daripada keseluruhan pekerja memiliki kelayakan pendidikan tertiar. Daripada jumlah ini, pemegang Diploma merangkumi 14.1 peratus atau 1.4 juta orang, manakala pemegang Ijazah Sarjana Muda/ Diploma Lanjutan atau setaraf adalah sebanyak 11.2 peratus atau 1.1 juta orang. Sementara itu, pekerja yang memiliki kelayakan Pascasiswazah pula mencatatkan peratusan terkecil, iaitu 1.3 peratus atau bersamaan 128.8 ribu orang.



Firma di Malaysia Mengambil 10 Juta Pekerja pada 2022, Kos Buruh Mencecah RM471.8 Bilion - Banci Ekonomi 2023

- Statistik Pekerja dan Gaji & Upah daripada Banci Ekonomi 2023 memberikan gambaran yang amat bermakna terhadap landskap pasaran buruh negara. Statistik ini menjadi rujukan penting kepada penggubal dasar, ahli-ahli ekonomi dan pihak industri dalam merangka strategi berkaitan dasar gaji, perancangan guna tenaga dan produktiviti mengikut sektor. Pemahaman yang lebih mendalam terhadap corak kos buruh dan pekerjaan adalah kunci kepada pertumbuhan yang inklusif serta peningkatan daya saing negara.

